

NDI NYI UYU?

 Fhaṭutshedzeye, mukomana. Ndi zwavhuđi u kona u da nduni ya Murena.

² Ndi humbula uri ndo vha ndi khou guda mańwe Mańwalo, tshińwe tshifhinga tsho fhelaho, huno A ri musi Yesu a tshi swika tsini ha Yerusalem, uri vhafunziwa vha takusa mađo avho huno vha vhona muđi mukhethwa ngei kule, huno vha thoma u takala vha ri, “Zwino muvhuso u do vhuyedzedzwa.”

³ Huno hoyu munna mukeneñene we a vha a tshi khou amba, kana a tshi khou amba nga madalo awe a Palestina zwenezwino, huno a ri vhathu zwino, kha riwaha wo fhiraho, vha da kha fhethu hune, musi vha tshi gonya n̄ha ha muedzi huno vha lavhelesa u mona na philiphili, ndila nthihi ye Yesu na vhafunziwa vha vha vha khayo nga itsho tshifhinga, uri musi vha tshi vhona dorobo, vha thoma u lila.

⁴ Ni a ñivha, ndi a tenda, ho vha hu na tshińwe tshithu tshe avho vhafunziwa, nga ayo mađuvha, vha tshi pfa, uri—uri muvhuso u do vhuyedzedzwa hafhu.

⁵ Huno zwino ndi tshifhinga. Huno ndi a tenda uri vhudipfi vhu re kha vhathu, uri muvhuso wo lugela u vhuyedzedzwa hafhu.

⁶ Mukomana Neville, wa vhulenda na mufunzi wavhuđi, o vha a tshi khou amba na nñe nga ha ndingedzo dza mvuseledzo ine ya khou da hafha kha thaberenakele, nga masiku a si gathi, u rabela nga hazwo. Huno nda mu vhudza, ndi humbula uri tshi do vha tshithu tshavhuđi.

⁷ Ni tou vha ni nga si vhe na mvuseledzo nnzhi. Huno zwifhinga zwinzhi ri vha na muhumbulo u si wone nga ha mvuseledzo. Mvuseledzo a si nga maanda nga u ñisa mirado miswa, fhedzi ndi ya u vusuludza hezwo zwine ra vha nazwo. Ndi . . .

⁸ Ndi nga takalela u amba hezwi, ngauri ndi zwi amba u bva vhudzivhani ha mbilu yanga. Uri ndi thoma u wana tshipfi tsho fhambanaho u mona na thaberenakele u fhira zwe zwa vha zwi hone lwa tshifhinga tshilapfu, tshipfi tsha—tsha tshimuya tsho dzivhafhalaho, u fana na zwe zwa vha zwo ralo, kale murahu; itsho tshithu tshine tsha dzula, huno tshi na mutheo wo khwāthaho. Huno ndi a fuluhela uri Mudzimu u do fhaṭutshedza hetshi tshivhidzo tshițuku, huno . . . ? . . . hafhu kha maanda ashu.

⁹ Huno ndi vhona mbekanyamushumo ya u fhaṭa i tshi khou bvela phanda, huno ndi humbula uri ndi tshithu tshavhuđi. Ngauri, zwino kana nga murahu, riñe vhathu vhaaluwa ri khou

ya u bvula mapfumo huno ra a nekedza zwandani zwa vhana vhashu, huno ra tshimbila ya ndila ya musuku i ya ho N̄tha.

¹⁰ Līnwe duvha ndo fhira ulwo luswayo lwa vhukati zwino, lwa minwaha ya fūhanu. Ndi tou vha ndi nga si limuwe hezwo. A zwi vhonali u nga ndi kale henefha zwīla ndi tshi kha dihwala gurozari ya Chris Meisner, i no swika fumimalo, fumirath, minwaha ya fumimalo nga vhukale. Fhedzi yo sokou nyamalala. Zwi tou sumbedza uri hafha a ri na mudi u yaho phanda, fhedzi ri khou ḥoda Mūnwe une wa khou ḫa. Huno uyo ndi Mudi une Mudzimu ndi mufhaṭi, huno a hu nga vhi na magumo henefho.

¹¹ Haya matsheloni, vhunga ndo vha ndi tshi khou amba nga theroy ya Duvha la Vho-Mme, huno ndi tshi khou lingedza u vheya mme hu si nga ndila ine vha vha ngayo, kha u kegula, na u onyana, na hezwi zwēthe, thonga yawe, kana tshidulomulinga tshawe, kana tshidulo, na bodo ḥukhu ya maluvha yo dzula tsini nae; fhedzi mme kha mvuwo, o vhuiswa murahu kha vhuswa hawe, huno na u ima, a tshi penya sa khosikadzi. Ndi nga ndila ine nda ḥoda u humbula nga ha mme anga. A thi takaleli u humbula nga hae sa zwine a vha zwone ɣamusi, kegula. Ndi takalela u humbula nga ha zwine zwa khou ḫa. Huno ndi a zwi divha uri ni dipfa ngauralo nga vho-mme aṇu. Humbulani nga hae sa zwine a vha nga ngomu mbiluni yawē. Naho vhanzhi... vhunga murendi a tshi ri, "Vhutshilo a vhu ngo mu lelutshela, fhedzi a nga vhu tshila hafhu, u tou ni itela tshīnwe tshithu." Ngauralo Mudzimu u khou ya u ita ndila uri a kone u tshila lini na lini na inwi. Ngauralo ndo takala nga izwo.

¹² A thi divhi ngani, ndo ita heyi n̄divhadzo, ano matsheloni, ya uri ndi do amba madekwana a ɣamusi, arali Murena a tshi funa, kha: *Ndi Nnyi Uyu?* Zwa vhukuma a thi divhi uri ndi khou ya u itisa hani izwi. Fhedzi ndo vha ndo farekanea u vhuya u swika awara na minete ya fumi yo fhiraho, kha mbudzisano masiari ōthe, huno nda vha na dza tshipentshela na—na ḥingo dza shishi. Ndo vha ndi nga si dzi ite.

¹³ Huno ndi khou ḥoda u isa phanda u rabelela Dokotela Sam. U—u khou fhola, nähōne ri a livhuwa. Na Dokotela Baldwin na Vho-Mme. Baldwin vhōthe vha khou fhola. Vha khou lulama.

¹⁴ Ndi khou ḥoda ni tshi vheya tshiswa kha mutevhe wa thabelo dzaṇu, masiari ano. Uyo ndi Harry Lease fhasi hafha, raphilisi. Harry ndi khonani yanga ya tsini. Huno lwa tshifhinga tshōthe tshe nda mu divha, ndo elekanya uri o vha a Mukriste, u swika ano masiari, musi murathu wawe a tshi vhea khumbelo ya u tshidzwa ha maya wawe. Mukomana Mike Egan o disa... mulangandaka washu hafha, o disa mafhungo. Huno Harry u kha nyimele i shushaho, nnda ngei vhuongelon. Ndo vha ndi sa zwi divhi uri u elekanya ngauralo; fhedzi, o litsha mufunzi wawe, masiari ano, kana mufunzi wa tshividzo tshine a ya khatsho,

huno a tshi Ძoda nne ndi tshi ya nda mu vhona. Huno ndi khou Ძoda u ya nda mu vhona. Ngauralo, rabelisani Harry.

¹⁵ Ro takala hafha, madekwana a Ძamus, u limuwa, khonani yanga hafha, u bva fhasi ngei Georgia, Mukomana Welch Evans na muṭa wawe. Ndi a vhona, na, vhañwe vhadali vhane ndo vha ndi sa vha Ძivhi, zwi a konadzea uri vho vha vha fhano matsheloni ano.

¹⁶ Arali ndi sa khou khakha, ndi vhona Mukomana na Khaladzi Elmer Collins murahu hafho, u bva Phoenix, Arizona. Oo, a ni athu shanduka. Ni vhonala u nga ni tea u vha ni kha zwiambaro zwañu zwa tshiporoni, huno—huno ni tshi bva mililani. Huno ri a ni Ძanganedza murahu hayani! Ndi nga si ni humbele uri ni sale hafha, ngauri no wana fhethu ha khwine, ni a vhona, ndi zwavhudzi hezwo, Phoenix. Nga takalela u dzula henefho, Ძinwe duvha, nne muñe.

¹⁷ Huno zwenezwo ndi vhona Mukomana Smith hafha, wa Tshivhidzo tsha Mudzimu, nnda hafho. Mukomana Smith, ndo fhiwa, bugu yanu thukhu, Ძinwe duvha, kana mulovha nga masiari, lo no kovhela. A thi athu i vhala, fhedzi ndi do i pfumbisa, tenda fhedzi ndi tshi Ძivha uri no i nwala. Zwi tea u vha zwa vhukuma, Mañwalo a vhukuma. Mudzimu a ni fhañtshedze. Nahone ndi a kholwa i do bvelela.

¹⁸ Huno vhañwe vhanzhi, ndi nga amba ngauralo. No Ძanganedza fhano thaberenakeleni. Huno ndo Ძifhelwa nga ulwo luimbo, matsheloni ano, lwa Khaladzi Stricker we a imba, “U khou lavhelesa nga kha mabuli, khae.” Vharathu vhanga vha Mennonite hafha, ndo takala u vha navho. Huno, oo, vhoiñwi noñe! Khonani hafha, ndi a tenda, u bva ngei Illinois, murwa wawe u khou dzhiya dzirekhodo nga murahu, ndi tea u Ძangana navho hafhu. Huno vhanzhi nga maanda, ndi nga... Ni songo humbula uri ndi khou ni sanda arali nda sa vhidza dzina Ძanu, fhedzi ndi khou ni Ძanganedza noñe.

¹⁹ Zwino kha ri vhale madekwana a Ძamus, u itela ngudo ya Luñwalo, kha Mateo ndima ya vhu21, ri tshi thoma kha ndimana ya vhu1, na u vhala ri tshi tsa, na vhu11, yo katelwa.

Huno musi vha tshi sendela tsini na Yerusalem, vha swika, huno vha swika kha Bethphage, kha thawha ya Miñwari, zwenezwo Yesu a ruma vhañziwa vhavhili,

A tshi ri khavho, Iyani kha muvhundu wa tsini, huno nga u Ძavhanya ni do wana mbongola yo vhofshiwa, i na mbongolana: dzi vhofhololeni, ni dzi dise kha nne.

Huno arali muthu a ri kha vhoiñwi, inwi ni do ri, Ene Murena u na mushumo nayo; huno nga u Ძavhanya a vha ruma.

Huno hezwi zwo itwa, uri zwi khunyelele zwe zwa ambiwa nga muporofita, a tshi ri,

Vhudza...vhone vhananyana vha Tsioni, Vhonani, Khosi yanu i ya da nga vhulenda...yo namela yone mbongola, na mbelesa i na mbonolana.

Huno vhafunziwa vha ya, huno vha ita sa zwe Yesu a laedza,

Huno vha qisa mbongola, na mbelesa, huno vha vheazwiambaro zwavho khayo, huno vha i dzudza henefho.

Huno magogo manzhi a adza nguvho dzao ndilani; huno vha rema matari kha miri, huno vha a dzela ndilani.

Huno magogo e a tshimbila phanda, na e a tevhela, a vhidzelela, a tshi ri, Hosana kha murwa wa Davita: Muḥaṭutshedzwa ndi uyo ane a da nga dzina la Murena; Hosana kha wa nthesa.

Huno musi o swika Yerusalem, dorobo yothe ya akhamala, vha tshi ri, Ndi nnyi uyu?

Huno magogo a ri, Hoyu ndi Yesu muporofita wa Nazaretha...

Kha ri kotamise zwifhaṭuwo zwashu u itela thabelo.

²⁰ O Murena, ri a divhuzzisa uri ro vha ri tshi do ri mini, arali ro tshila nga ayo mađuvha. Fhedzi ri khou tshila kha duvha lihulwane, musi ri tshi khou Mu lavhelela uri a vhuye. Huno vhunga ri tshi khou ita ndugiselo, Murena, ri tshi lugisela mbilu dzashu, huno ri tshi kuvhanganya khulane dzothe dzine ra nga vhofha kha khano ya tsimu, hothe hayani na nn̄da, ri khou humbula na u lindela kha tshifhinga tshine ra do Mu vhona a tshi da, a tshi khou gada bere tshena, a tshi tsa nga kha phasedzhi dza Vhugala, u shandukisa na u vusuludza iyi i sinaho mivhili ya kale yashu, kha muvhili wa vhugala u fana na Wawe, hune hu nga si vhe na tshivhi kana tshiñwe tshiga tsha lufu tshine tsha do vhuya tsha dzhena. Huno ri do Mu vhona sa zwine A vha zwone, na tshila, huno nda Mu funa nga kha zwikhathi zwothe zwi qaho.

²¹ Ri a U livhuwa nga hetshi tshivhidzo na mufunzi watsho, na vhalangandaka na madikoni, na muthu muñwe na muñwe ane a da hafha; na vhadali vha re khoroni dzashu, nngu dza sambili thihi, fhedzi u bva kha tshiñwe tshitumba. Ri do humbelu uri U vha fhaṭutshedze, madekwana a ñamusi, nga Vhuhone Hau.

²² Huno u ri kanzwe nga Ipfi Lau, uri ri bve hafha, madekwana a ñamusi, na u diimisela u vha Vhakriste vha khwine vhane ro no vha vhone. Ngavhe ri tshi tuwa na fulufhelo liswa mbiluni dzashu, na dakalo, ro lindela u Vhuya Hawe.

²³ Arali zwa itea ha vha na vhañwe vhukati hashu, vhane vha khou lwalwa na u ḫuphea, a ri nga hangwi u vha rabelela. Uri vha... Ri tshi da kha hetshi tshifhaṭo, madekwana a ñamusi,

hune ro kuvhangana u itela u losha, vha da, vha tshi lwala, ngavhe vha tshi bva vho fhola.

²⁴ Huno ri humbetshela na avho vha sa koni tshithu, mahayani na zwibadela, nahone vha kha mimbete ya mat̄hupho. Ri a rabela, O Mudzimu, uri khathutshelo Yau i do swika fhasi khavho.

²⁵ Ri do rabelela avho vha hanedzaho, madekwana a namusi, vhane a vha athu thetshela nahone vha vhona uri Murena ndi wavhuđi, vhane vha si zwi divhe uri zwi amba mini u funiwa nga Mudzimu. Vha tou vha vha sa pfesesi zwine vha khou pfukwa ngazwo. O Mudzimu, ngavhe dziniwe khasho dza radio, kana inwe ndila, dzi tshi kwama mbilu dzavho, huno zwipfi zwavho zwi de kha Vhone phanda ha musi muñango wa khathutshelo u tshi valwa huno vha sala nga nn̄da, u imela khañhulo hu si na khathutshelo.

²⁶ Ri thuse, Murena. Hezwi zwithu ri a rabela nga Dzina ja Murena Yesu, na u itela vhugala Hawe, ri a zwi humbela. Amen.

²⁷ Vhatu vho vha vho dala u mona na khorø, huno zwiñaratā zwo tsitsikana, huno hu si na na fhetu ha uri vhatu vha eđele. Vho vha vho dzula nga nn̄da ha luvhondo, mbandeni dzothe, ngauri heyi yo vha i paseka. Huno vhatu vha da u bva kha mashango othe a divheaho, u losha nga tshino tshifhinga. Ndi tshifhinga tshire ngwana ya tshiñhavhelo ya thavhiwa. Huno yone... Yo imela ndamulelo yavho u bva Egipita, kha vhupuli. Huno vho vhulunga hezwi, nwaha muñwe na muñwe. Nwaha muñwe na muñwe heyi paseka khulwane yo itea. Huno ho vha hu tshiñwe tsha zwifhinga zwa nthesa zwa...kana vhufambo ha vhurereli ha Vhayuda, ngauri zwo amba tshifhinga tshe vha vhofholowa.

²⁸ Vhatu vhothe vha takalela u humbula nga ha izwo, tshifhinga tshe vha vhofhololwa. Uri hani muñwe na muñwe washu, madekwana a namusi, a nga humela murahu kha tshifhinga tshe a vhofhololwa! Zwe tsha amba kha riñe!

²⁹ Ndi a kona u elelwa kha tshenzhemo tshanga, zwa uri mbilu yanga i ḥungufhadzaho ya mutukana yo ḥulutshelwa hani u kwama Mudzimu. Nda elekanya, “Oo, arali nda nga tou ya nda khokhonya kha munango Wawe, huno nda amba Nae lwa tshifhinganyana!” Huno, a hu na zwiñwe, ni a divha nganea yanga. Ndi na bammbiri na penisela, huno ndo vha ndi tshi khou ya u Mu nwalela vhurifhi, ngauri ndo vha ndi nga si ambe Nae. Huno ndo vha ndi tshi zwi divha uri U dzula mañakanı, ngauri ndo Mu pfa, nahone ndo no vhona A tshi tshimbila matakanı. Huno yo-yo ḥowelelaho, ya kale i divheaho ndila ye nda vha ndi tshi tsa ngayo musi ndi tshi ya u zwima kana u rea. Nda elekanya, “Ndi do tou vhu ombela kha muri, nda vhu rumela kha Vho. Yesu.” Nga inwe ndila uri muhwalo wanga u bve kha mbilu yanga.

³⁰ Oo, uvho vhusiku, fhasi ngei seli! Ndi nga hangwa miñwaha yanga, ndi nga hangwa dzina langa tshiñwe tshifhinga, fhedzi ndi nga si vhuye nda hangwa iyo awara musi A tshi mphulusa kha tshivhi. Tshiñwe tshithu tsho itea, fhasi ngomu kha nñe, tshe tsha nthusa nga awara khulu dza swiswi. Awara ya u phuluswa hanga, muhwalo wa tshivhi wa ntutshela, huno ndo vha ndi muthu muswa. Ndo vha tshivhumbiwa tshiswa kha Kristo Yesu, u bva zwenezwo.

³¹ Huno ha vha Vhayuda, vha ya ña, ñwaha muñwe na muñwe. Huno ho vha hu na—na tshisima nga ngomu ha tshivhidzo. Huno vha dzhia thone—thone tshinkwa, na miri i vhavhaho, na ngwana, huno vha ñwa kha hetshi tshisima tshivhidzoni. Huno vha takala vhoqhe ngauri Mudzimu o vha sumbedza tshilidzi. Ngauralo, hetshi tshi tshi vha tshifhinga tsha paseka, fhedzi ho vha hu paseka ya tshipentshela.

³² Ni a divha, hu na tshiñwe tshifhinga tshine ra ya tshivhidzoni na... Ri dzulela u ḥoda u ya, fhedzi hu na tsha tshipentshela tshi no itea tshiñwe tshifhinga.

³³ Huno hetshi tsho vha tshi tshiñwe tsha izwo zwifhinga. Mufhe wa ñala nga ndavhelelo, vhunga zwo ralo namusi. Mañ othe a avho vha Mu funaho o vha o Mu lavhelesa A tshi ña khoroni.

³⁴ Huno ndi a tenda ndi zwithihi namusi, kha avho vhane vha Mu funa nahone vha khou Mu ḥoda. Mufhe wo ñala nga ndavhelelo.

³⁵ Musi, ri tshi khou tshila kha lino ñuvha, musi lifhasi li tshi tou vha, luhuse luthihi luhulwane. Huno saintsi i khou ri vhudza, “Hu tou vha minete miraru u swika vhusikukati.” Huno ndi na vhuñanzi no vha ni tshi khou vhalo, sa nñe, linwe ñuvha, nganea ya uyu mulangammbi ngei mmbini, a ri, u ri, “Arali heyi yo vha i iñwe nndwa, i do tou fhedza fhedzi minete mivhili kana miraru.” Mađuvha a kale a u lwa, na u thuntsha zwigidi, na u gwa milindi ya u dzumbama, izwo zwo fhela. Vha vhila uri nndwa ino khou tevhela i do tou vha minete miraru kana miña. Liñwe ñuvha, muñwe muthu a sa divhalekani u khou ya u tibula na u thuntsha dzirñwe dza idzo bomo. Huno musi vha tshi ralo, ri na maimo a u thetshelesa, huñwe na huñwe, u thuntsha murahu hafhu. Shango li tou vha li nga si zwi imele hezwo.

³⁶ Muñwe na muñwe kha paseka o zwi divha uri tshiñwe tshithu tshi khou ya u bvelela, fhedzi vho vha vha sa divhi uri ndi mini.

³⁷ Huno ndi nga ndila ine zwa vha ngayo ñamusi. Muñwe na muñwe u ya zwi divha uri tshiñwe tshithu tshi khou ḥoda u bvelela. Muñwe na muñwe u ya zwi divha hezwo. Ni nga amba na muitazwivhi, ni nga amba na murengisi, ni nga amba na nnyi na nnyi, huno, oo, ndi tshifhinga tsha u sa awela kha shango.

³⁸ Fhedzi ni nga amba na munna kana musadzi ane o lindela u vhuya Hawe, huno vhugala vhu kha tshifhatuwo tshavho, vhu tshi penya. Vhane vha khou lavhelesa vhuṭambo vhuhulwane. Ngauralo mufhe wothe wo ḳala hafhu, nga u lavhelela tshiñwe tshithu tshi tshi itea. Shango a li ḫivhi zwine zwa khou ḫa u itea, fhedzi Tshivhidzo tsha Muḍzimu a tshilaho tshi a ḫivha zwine zwa khou ya u itea. Vha a zwi ḫivha uri hu si kale phalaphala i dolila, huno ri do Mu vhona a tshi ḫa, a tshi gada u bva Vhugalani, kha bere tshena, na mmbi dza Ṭadulu dzi tshi Mu tevhela. Huno avho vho faho kha Kristo vha ḫo takulelwa ṭadulu huno vha dzhiwa u ḫangana Nae tshikhalani. Ndi zwine ro lavhelela zwone. Ra khou ṭulutshelwa zwone.

³⁹ Huno ro vhudzwa u pfi mimuya ya avho vho-mme, na zwiñwe, zwe ra amba ano matsheloni, fhasi ha aletari ya Mudzimu, i khou lila, “U swika lini, Murena? U swika lini?” Mme vha khou ḫoda u ni vhona u fana na inwi ni tshi khou ḫoda u vha vhona. Huno vhabuña wa vhashu vha khou ḫoda u ḫangana na rine vhunga ri tshi khou ḫoda u ḫangana navho.

⁴⁰ Hu ḫo vha u ḫanganyiswa-de hu no ḫo vha, musi A tshi vhuya! U ḫangana na vhabuña wa vhashu ra vha vhona kha mivhili yavho ya mvuwo, huno na u galafhadzwa, huno vha tshi khou tshimbila u mona na ifa la mvuwo, lavhelesa mvumbo yavho, nga ndila ye ya shanduka, vhabuña na u bvudu. Huno a hu nga vhi u kakarika na u ima-imma, na u fhufha na u raha, ngauri rothe ri ḫo vha na U Ya Nga Hu Sa Fheli ha u tshila rothe.

⁴¹ Oo, hetshi tshikhathi tshihulu tsha mazhuluzhulu tshine ra khou tshila khatsho, hu tou vha hu si na tshifhinga tshi si tsha tshithu, u tou gonya, na u raha raha, na u dzhavhula, mulandu, ndi ḫuvha li ofhisaho.

⁴² Zwenezwo, vhunga vha tshi lindela tshiñwe tshithu tshi tshi itea, zwo vha zwo vhabuña nga maanda uri vhanzhi ha avho kha paseka a vho ngo vhuya vha Mu vhona. Naho, vho zwi ḫivha uri tshiñwe tshithu tshi khou ya u itea, fhedzi a vho ngo Mu vhona.

⁴³ Ngauralo zwi ḫo ralo kha u Vhuya ha Murena. Hu na vhathe vhanzhi vha sa khou awela, ḫamusi, vhane vha zwi ḫivha uri tshiñwe tshithu tshi khou ḫa u itea, fhedzi a vha—a vha nga Mu vhoni. Ngauri U ḫoda ho dzika vhusiku-kati, u gavha itsho Tshivhidzo tshiṭuku tshine tsho lavhelela na u lindela na u ṭulutshelwa u Mu vhona. Ndi vhone vhane A ḫoda a takula. Vhanzhi vha shango khou tshila kha u penya, na u kanzwa mimuya yavho kha zwithu zwa shango, a ni nga vhuyi na ḫivha zwe zwa itea, u swika Tshivhidzo tshi tshi ya Vhugalani, ngauri U ḫo da sa mbava vhusiku hu a vha dzhiya. Ngauralo ri a kona u vhona uri ro vhuya hafhu fhethu huthihi. Zwino ri wanulusa, uri, heyi ndavhelelo, uri Mudzimu u ḫa kha havho...Nga kha Mañwalo othe, ndi tshithu tshithihi. Uri vha...U dzulela u ḫa kha avho vho Mu lavhelelaho, tshifhinga tshothe kha avho vho

lindelaho u Mu vhona. Huno ndi a kholwa uri ndi fulufhelo ḥine la vha kha mbilu dzashu madekwana a ḥamusi.

⁴⁴ Zwo no vha miñwedzi ya rathi yo fhiraho, ndi a kholwa, ndo vha ndi tshi khou ḥanziela kha vhañwe vhathu. Huno nda ri, “Oo, u zwi humbula, uri tshifhinga tshiñwe na tshiñwe A nga vhuya!”

⁴⁵ Huno na uri ndi mini zwo nnyitaho uri ndi ambe hezwo, ndo vha ndi tshi khou amba nga Mukomana Bosworth. Musi ndi tshi ya u vhona mukhethwa wa kale, musi ri tshi pfa uri u khou lovha, miñwaha ya malo yo fhiraho, mufukadzi na nne ri tshi khou tsa fhasi u . . . heneffho u mu vhona phan̄a ha musi a tshi fa. Ndo tou tea uri ndi ambe tshinwe tshithu khae. Ndi nga takalela u vhona vhakhethwa vha tshi dzhena Vhugalani, huno ndo tou tea uri ndi mu vhone. Huno ra thuthubisa mathaela kha goloi.

⁴⁶ Fhedzi musi ndi tshi swika heneffho, huno nda gidimela kha munango, kha khudā ḥukhu ho vha ho dzula khotsi wa kale. Huno a vusa ḥoho yawe musi a tshi mbona ndi tshi da. Zwawe zwa kale, zwanda zwawe zwo kalaho, na ḥama yo nembelaho. Huno a kokodza tshanda tshawe kha nne. Huno nda mu doba nga mukulo nda tzhemra, “Khotsi anga, khotsi anga, gariki dza Isiraele, na dzibere heneffho,” ngauri o vha a mukhethwa, munna muvhuya.

⁴⁷ Huno nda ri, “Mukomana Bosworth, ndi khou ḥoda u ni vhudzisa tshiñwe tshithu. Naa ni a tenda uri ni ḥo fhola?”

A ri, “Oo, a thi khou vhuya nda lwala.”

Nda ri, “Zwo ralo, thaidzo ndi mini?”

⁴⁸ A ri, “Ndi khou ya Hayani.” A ri, “Ndo neta, nahone ndo thamba. Ndi khou to ḥoda u ḥuwa Hayani.”

⁴⁹ Nda ri, “Zwenezwo u ya limuwa uri u khou fa?” Nda ri, “Ndi khou ḥoda u ni vhudzisa tshiñwe tshithu. Murahu fhasi nga kha ya fusumbe miñwaha ya vhushumeli, ndi ufhio minete wau wa vhugala? Naa ni nga amba na nne, muñe wanga, huno ni mbudze uri ni na tshenzhemo tshifhio fhasi u mona na mutalo, hune ni nga amba awara yañu khulwanesa.”

⁵⁰ Ndi ḥo tshila u vhona miñwaha yawe, ndi nga si hangwe, musi ayo mañu matswu a tshi ntsedza, nga nt̄ha ha ayo mangilasi. A ri, “Murathu wanga a funeaho, hetshi ndi tshone tshifhinga tshihulwanesa tsha vhutshilo hanga. Ndi nga si humbule nga tshiñwe tshifhinga tshe tsha vha tshi tsha vhugala u fhira zwino.”

⁵¹ Nda mu lavhelesa kha tshifhañuwo, hundo nda ri, “Mune wanga, vha kha di zwi ñivha uri vha khou fa?”

⁵² A ri, “Mukomana Branham, ndo edela hanefha, ndo Mu lindela minete muñwe na muñwe a tshi vula uyo muñango huno a da, a nnyisa Hayani Nae.” Ndi yone ndila ya u fa. Ndi yone ndila ya u ḥuwa.

⁵³ Huno vhunga ni tshi divha, uri, phanda ha awara mbili musi a tshi fa... O vha, o vha o edela kha khoma, lwa mađuvha mavhili. Huno musi a tshi phaphama, a vuwa lufherani, huno a thoma amba na mufumakadzi wawe. Zwenezwo, nga u ḥavhanya, o vha a tshi vhonala hu na zwine a khou ita. Huno a khađa zwanda, lwa awara kana na u fhira, na khonani, dze dza vha dzo fa lwa miňwaha ya fuiňa kana futhanu, vhe vha vha vhashandukwa kha tshivhidzo tshawe. A khađana na mme awe na khotsi awe. U swika a tshi... vbutshilo hawe vhu tshi bva muvhilini wawe, huno a edela kha musiamelo huno a edela, kha zwanda zwa Murena Yesu. A hu na tshi ngaho u Mu shumela, u Mu lavhelela.

⁵⁴ Huno nda amba na hoyu munna nga hezwi, huno nda amba hetsho tshenzhemo, nda amba hezwi. Nda ri, “Muñe wanga, oo, naa a zwi nga vhi zwa vhugala musi ri tshi Mu vhona? Oo, arali A tshi nga da ḥamusi!”

A ri, “Mukomana Branham, ni songo tshuwisa vhathu nga ralo.”

Nda ri, “Vha khou amba mini?”

⁵⁵ A ri, “Oo, ni songo lingedza u vhudza vhathu uri shango li khou fhela, kana Kristo u khou da. Zwi ya mbilahedza.”

⁵⁶ “Oo,” nda ri, “hai. Ni khou ri mini. Kha havho vhane vha khou Mu ḥoda, ndi mafhundo a vhuđi nga mađanda ane vha nga pfa, uri Yesu u khou tou vhuya huno a dzhia Tshivhidzo Tshawe.” Vhualuwa vhu do shandukiselwa kha vhuswa. Dakalo li do newa madzuloni a u ḥungufhala. Vhutshilo vhu do newa madzuloni a lufu. U sa fa kha u fa, hu do shandukiswa. Oo, tshifhinga-de, u divha uri U do da!

⁵⁷ Vho vha vha tshi khou Mu lavhelela. Vho vha vha tshi khou Mu ḥoda. Huno musi A tshi da, ri wana uri ho vha hu na zwigwada zwivhili. Tshiňwe tshigwada tsho vha tshi Tshawe, huno tshiňwe tshi tshi lwa Nae.

⁵⁸ Huno ndi nga ndila ine ra zwi wana ḥamusi. Ndi zwe, u vhuya Hawe, ho dzulela u fhadekanya vhathu. Tshifhinga tshiňwe na tshiňwe, musi ni tshi wana Yesu, ni wana avho vhane vha do hanedzana Nazwo. Ndi Sathane. Huno, ḥamusi, musi ri tshi humbula nga hazwo, a ri vhoni tshandukiso mnzhi. Zwi tou vha zwi fanaho. Vhathu vho shanduka, fhedzi mimuya ya vhathu a i athu shanduka.

⁵⁹ Huno ngauralo musi vha tshi lavhelesa nga khoro huno vha Mu vhona a tshi da, a tshi gada kha iyo ḥukhu mbongola tshena, ngazwo vhafunziwa vho thoma u-u tzhema, “Muvhuso wa Ṭadulu wo da!” Vhathu vha gidima u ḥangana Nae, huno Yerusalēma ḥothe la dzinginyea. Hu na tshiňwe tshithu nga hazwo, musi Yesu a tshi da, zwi dzulela u dzikusa. Huno muđi wothe wa dzingineya. Huno vha nga—vha nga si zwi dzumbe.

⁶⁰ Huno vhareri vha ilo ḫuvha vho do tea u zwi fhindula nga uhu u dzingineya, ngauri ho vha hu kha tshifhinga tsha paseka. Huno vha tzhemba, “Ndi nnyi Uyu?” musi mufhe wo halifha, huno na u da ha Murena Yesu, ngei Jerusalema, vho vha vho ṭanganya mufhe nga ndavhelelo, zwi vhonala u nga mudededzi o do tea u divha zwe zwa vha zwi tshi khou itea. Zwi vhonala u nga tshifhe muhulu o vha a tshi do vha o zwi divha. Zwi vhonala u nga vhañwe vhotshifhe vho vha tshi do vha vho zwi divha.

⁶¹ Huno a zwi athu shanduka, ḥamusi, ngauri Muya Mukhethwa u khou ḫivhadza u Vhuya ha Murena Yesu. Huno vhunga Muya Mukhethwa u tshi thoma u phadälala na lifhasi, gulu dza mvuseledzo dzo thuntshwa, huñwe na hunwe, zwiga zwihihi na vhuñolo zwo no itwa, phodzo dzo no vha hone, zwiporofito zwo no bva. U kuvhangana hothe ha phathutshedzo dza vhaapostola hu tea u vhuya murahu kha Tshihidzo hafhi. Ngauralo, vhunga zwo ralo zwenezwo, zwo ralo na zwino, muya wa a sa tendi u kha ḫilila, “Ndi nnyi Uyu?”

⁶² Vhañwe vhavho vho tenda kha Murena Yesu, uri O vha a Munna wavhuñi. Vhañwe vhavho vha ri, “Ndi Munna wavhuñi.”

⁶³ Ndi zwine vha amba ḥamusi. Vha lingedza u Mu vhea sa Napoleon, swole. Vha lingedza u Mu vhea sa—sa George Washington, munna wa mafhungo ngoho. Fhedzi O vha a tshi fhira hezwo.

⁶⁴ Naa no dzhiela nzhele u vhala ha Luñwalo? Vho ri, “Hoyu ndi Muporofita ane a bva Galeliya.”

⁶⁵ Huno vha lingedza u amba tshithu tshithihi ḥamusi, musi vha tshi vhona hoyu mutshimbilo muhulu wa Murena: u vhuyedzedza murahu, kha mutakalo, vhalwalaho na vha ḫupheaho; u Mu vhona a tshi shumisa Muya Wawe kha Tshihidzo Tshawe, u ḫalukanya mihibulo ya vhathe; u Mu vhona a tshi ita sa zwe A ita musi A fhano kha lifhasi, u vuledza zwe A amba uri zwi do itea; zwa vhukuma, zwivhidzo na vhathe vha, vhudzisa hezwi, “Ndi nnyi Uyu?”

⁶⁶ A vho ngo pfesesa uri Yesu ndi nnyi, ngauri a hu na na muthihi wavho we a vha a tshi nga Mu limuwa, nga tshikolo tshavho. “Naa O bva kha seminari ifhio? Naa O bva kha tshikolo tsha theolodzhi tshifhio?”

⁶⁷ Huno zwo ralo ḥamusi. Vhunzhi ha vhathe vho doliswaho nga Muya Mukhethwa a vho ngo bva kha iñwe seminari. Ndi zwi bveledzwa zwa u nanga ha Mudzimu ene muñe. Fhedzi zwiga na madembe, na zwimangadzo zwe zwa fulufhedziswa Bivhilini, zwi fhelekedza hoyu Muya Mukhethwa vhunga U tshi tshimbila vhukati ha vhathe.

⁶⁸ Huno vha ralo namusi, “Ni bva kha tshikolo tshifhio?” Nga u tou ḫavhanya musi ni tshi dzhena doroboni, u fara mvuseledzo, “Naa ni wela kha dinomineisheni ifhio?”

⁶⁹ Ndo vha na muvhudzisano nga masiari a Lavhuțanu, na tshifhe wa Katolika ya Roma u bva kha tshivhidzo tsha Irish ngei Louisville. Huno zwi sa fhiri zwe nda divhadzisiwa zwone khae, munna wa vhudi wa tshikola, a ri, “Vho. Branham, ndi dinomineisheni ifhio?”

Nda ri, “A thi na iñwe.”

Huno a ri, zwenezwo, “Naa no odeniwa?”

Nda ri, “Ee, muñe wanga.”

A ri, “Ndi nnyi o ni odenaho?”

⁷⁰ Nda ri, “Murena Yesu o mpha Muya Mukhethwa, u rera Mafhongo-madifha, nahone a mpha thendelo.” Zwo ralo, ndi hone u odeniwa hune ra Ქoda.

⁷¹ Yesu ha ngo vhuya a ri kha vhafunziwa Vhawe, “Iyani kha . . .” A thi khou sasaladza hezwo zwithu, fhedzi vho tshila duvha lavho. Ha ngo ri, “Tshimbila, u gudele u vha mushumeli, lwa miñwaha *minzhi-minzhi*.”

⁷² A ri, “Lindelani doroboni ya Yerusalem, u swika ni tshi qadzwa nga Maanda a bvaho N'ha.” O amba hezwo kha vhatthu vhe vha vha vha sa koni u sina madzina avho. “Huno nga murahu ha hezwi, Muya Mukhethwa wo da kha inwi, zwenezwo ni do vha thanzi Dzanga, hothe ngei Yerusalem, Judea, Samaria, na kha zwipiña zwa lifhasi.” Ndi hone u odeniwa.

⁷³ A ri na rekhodo ya Yesu a tshi vhuya a ya tshikoloni, kana u thaphudza kha inwe seminari. Naho, hu na seminari nnzhi dzo imiswaho nga Dzina Lawe, u itela ndivho ya vhurereli, u fhira tshiñwe-tshiñwe tsithu tshe tsha vha tshi hone kha shango. A ro ngo vhuya ra vha na—na rekhodo Yawe a tshi vhuya a ya tshikoloni. Fhedzi, naho, ho no vha na zwikolo zwinzhi two imiswaho nga Dzina Lawe u fhira luñwe lushaka lwa dzina li re hone phasi ha mañadulu, zwikolo. A ro ngo vhuya ra Mu divha a tshi ñwala bugu. Nahone, hu na bugu nnzhi dzo ñwaliwaho nga Hae a fhira mañwalwa othe o ñwaliwaho. Huno, namusi, Bivhili Yawe ndi Bugu i divheswaho i re hone shangoni, kha mañwalwa othe.

⁷⁴ Fhedzi, ni a vhona, nga mañuvha a u dalelwa, vho huwelela, “Ndi nnyi Uyu?”

⁷⁵ Ni a vhona, Mudzimu u dzhia tshiñwe tsithu tshine tsha vhonala u nga a si tsithu, u ita tshiñwe tsithu khatsho. Ndi zwine zwa Mu ita Mudzimu.

⁷⁶ Huno musi vha tshi Mu vhona a tshi da, a tshi khou gada kha iyo khoro, vhañwe vhavho vha ri, “Ndi Munna muhulu.”

⁷⁷ Vha ralo ñamusi. Hu na zwikolo zwa theolodzhi zwine zwa funza, ñamusi, uri Yesu o vha a Munna muhulu, uri O vha a Munna wa u luga. Vhañwe vhavho vha ri O vha a muporofita. Zwino, arali A muporofita, kana Munna wavhudí, ri zwivhini

zwashu. O vha a tshi fhira muporofita. O vha a tshi fhira Munna wa u luga. Nahone, O vha a Munna wa u luga. Nahone, O vha a Mudzimu-Muporofita. Fhedzi O vha a tshi fhira hezwo. O vha a Mudzimu o vhonadzwa ḥamani, u ṭusa tshivhi.

⁷⁸ Huno vhunga A tshi ḫa, a tshi gada, vhathe vhanzhi vha ri, “Ndi mufhodzi. Oo, ri a Mu vhona a tshi bonyolosa maṭo a mabofu. Ri a Mu vhona a tshi ita uri zwihole zwi tshimbile. Ri Mu vhona a tshi ḥekedza thabelo, huno mukhushwane wa ḥutshela ḥwana.” Fhedzi, zwenezwo, ulwo lushaka lwo vha lu tshi khou Mu tevhelela ḥofo na khovhe.

⁷⁹ Huno ndi nga ndila ine magogo a ralo ḥamus, vhanzhi. Arali hu na mufhodzi, mulandu, vha—vha a Mu tevhele, huno U tou—U tou vha tthisima. Arali vha lwala, vha ya gidima, vha ri, “Oo, naa ni ḫo nthabelela, uri Murena Yesu u ḫo mphodza?” Huno nga u ḥavhanya musi vha tshi bva vhuongeloni, kana kha mbete wa vhulwadze, kha shango vha ya humela, vhunga mmbwa kha maṭanza ayo, kana nguluvhe kha matope ayo, vhunga Maṇwalo a tshi ralo. Vha tou Mu tevhelela zwivhuya zwine vha ḫo wana Khae. Vha tou Mu shumisa lwa yone—yone khovhe, kana—kana tshiñwe tshithu tshine—tshine vha nga wana Khae, huno vha si lavhelele u Mu shumela. Itsho tshigwada tshi kha ḫi vha hone na ḥamus.

⁸⁰ Ho vha na vhamapele vha ḥahe vho fhodzwaho, huno muthihi a humela u Mu renda. Kana ho vha hu fumi? Vha, muñwe wavho, vha humela u Mu nea thendo, huno vhañwe vhoṭhe vha bvela phanda, vha si na ndivhuwu.

⁸¹ Huno arali vhathe ngei Amerika, vhane vho fhodzwa nga Maanda a Mudzimu, vha nga rembulusela mbilu dzavho kha Mudzimu, hu ḫo vha na mvuseledzo ine ya ḫo vha hone kha holwu lushaka ine ya ḫo vala tshipoto tshiñwe na tshiñwe, tshi re... .Mavhengele a mafola na wisiki a ḫo bviswa kha mbonalo. Zwivhidzo zwi ḫo dala. Dzisietha a dzī nga vhi na muthu nga madekwana a Swondaha. Huno hu do vha na mvuseledzo ine ya do vha hone, nga kha holwu lushaka. Fhedzi musi vha tshi zwi vhona zwi tshi bvelela, zwithu zwine Mudzimu a ita, vha kha ḫi ḥavha mukosi, “Ndi nnyi Uyo? Ndi nnyi ane a khou ḫa? Naa vha bva gai? Ndi nnyi uyu? Nga maanda afhio ake izwi zwa khou itwa?”

⁸² Ni songo vhuya na hangwa, ngei Johannesburg, South Africa. Ndi kha ḫi bva u swika, nga murahu ha minete ya furaru, nga bufho. Ndo vha ndi na mađuvha mararu na masiku mararu muyani, ndo neta lu sa kondelelei. Vha—vha nnyisa mudavhini we ha vha hu na vhathe vha fuṭhani kana furathi wa vhathe vho kuvhanganaho. Huno zwi sa fhiri na mini ndi tshi kha ḫi bva u swika kha pulatifomo, u swika Muya Mukhethwa... .Nda vhona, tshi no khou ḫa afho fhethu, lone—lone bisi. Huno yo vha i na tshiga khayo, “Durban.” Nda vhona muthu muswa

a tshi tea u kombetshedza na u nangavhedza kule ha khotsi awe na mme, a na mulenzhe muthihi u ya rathi kana intshisi dza malo u vha muṭuku kha muṇwe. O vha o ambara hemmbe tshena, na magurusibannda o fara marukhu awe. Huno nda limuwa uri ndi muṭhannga muswa. Nda lavhelesa murahu hafhu. Bono la ṭuwa. Huno zwenezwo, kha tshikhathinyana, nda vhona itsho Tshedza tsho ima nthā ha muṭhannga muswa, murahu kha vhathetshelesi. Huno nda lavhelesa. Nda elekanya, “Ndo mu vhona huṇwe fhethu.” Nda mu lavhelesa, huno itsho Tshedza tsha dzulela u vha khae lwa minete i si gathi. Huno ndo vha ndo lindela muṭalutshedzi a tshi amba maipfi a no tevhela. Huno nda vhona muṭhannga muswa muthihi o ima, a laṭa makhiratshisi awe, huno mulenzhe wawe mupfufhi kha muṇwe nga intshi dza rathi wa tsela fhasi wa eḍana na muṇwe.

⁸³ Huno nda ri kha Vho. A. J. Schoeman; vhane vha vha Vhugalani, madekwana a ṇamusi. Nda ri, “Vho. Schoeman, u tou redza maipfi anga. Ndi bono.”

A ri, “Ndi zwavhuđi.”

⁸⁴ Huno nda ri, “Muṭhangā muswa o dzulaho fhasi heneffo na hembe tshena, na dzi suspenders, u bva doroboni i no vhidzwa Durban, maela dza mađana a fumiṭhanu u buda shango, nga bisi. Huno o do tea u ṇenga khotsi awe na mme, uri a de. Fhedzi o tenda kha Murena Yesu, huno u na mulenzhe muthihi mupfufhi nga intshi dza rathi kha muṇwe.”

⁸⁵ Huno muṭhangā muswa a fhufha. Heneffo khoyo, o ima, a tshi lingedza u pfa khiratshisi dzawe. Huno nda ri, “Muṭhannga muswa, Murena Yesu who u fhodza.” Huno nga u ṭavhanya mulenzhe wawe wa lapfa nga intshi dza rathi, u vha wo linganaho, na u la muṇwe. Vha disa muṭhannga muswa kha pulatifomo, huno madokotela vha mu ṭola heneffo. Ni a vhona tshifanyiso tshawe kha bugu yanga.

⁸⁶ Ndi kha di tou bva u ima heneffo lwa minete i si gathi, nda vhona ṭhukhu, goloi dala i tshi khou tsa nga bada, huno ya suvha. Ya dzunguluwa, ya sedza murahu, huno ya thula muri. Musidzana muṭuku, wa mavhudzi a bulondi . . . o vha o vhaisala muṭana. Huno nda ri, “Ndi vhona ṭhukhu, goloi dala ye ya thula muri, huno musidzana muṭuku wa thoho ya bulondi wa i swikaho miñwaha ya fumimalo o vundea muṭana. E kha nyimele i shushaho.” A hu na o fhindulaho. Huno ndo vha ndi nga si mu vhone huṇwe fhethu kha ilo līhulu, gogo la vhatthu. Huno nda ima heneffo lwa minete i si gathi. Nda ri, “Ndi a pfesesa. Ndi . . . Ni songo vha a solaho. Ndi Murena Yesu, nga Maanda a mvuwo. O rumela Muya Mukhethwa u isa phanda na mushumo Wawe.” Huno heneffo nda vhona bono li tshi dovholola hafhu. Ndo vha ndi sa vhoni musadzi muswa.

⁸⁷ Zwenezwo fhedzi, o imaho phanda hanga, hafha ho ima tshiła Tshedza, vhunga ni tshi vhona kha tshifanyiso. Huno Tsha

ima heneffo. Nda gonya nthā heneffo, huno heneffo o vha o edela, fhasi ha pulatifomo. Nda ri, "Musidzana muswa, Murena Yesu o u fhodza." Huno a thoma u lila.

⁸⁸ Mme awe vha ri, "Oo, hai! Ni songo mu vhudza uri a takuwe!" A ralo, "Aralo a tou takuwa, u do fa."

⁸⁹ Huno musidzana muswa a ima nga milenzhe yawe nga tshihadu, a tshi khou tzhema na u renda Mudzimu. Huno mme vha noka vha wela kha thovho dze musidzana a vha o edela khadzo.

Naa ndi mini?

⁹⁰ Nga tshenetsho tshifhinga, muñwe munna a re kha nyimele ya shishi a vuwa murahu heneffo, huno a dzula nga mulenzhe muthihi kha tshidulo tshithihi, huno muñwe kha tshiñwe, huno a ri, "Inwi, Muamerika! Ndi ni itela khaedu ya uri ni mbudze uri ndi Dzina lifhio line na ita hezwi ngalo! Huno ndi ifhio dinomineisheni ya tshivhidzo ine na wela khayo?" Ni a vhona?

⁹¹ Zwi tou fana. A vha zwi pfectesi. A vha khou lavhelesa hezwi zwithu. Tshivhidzo a tshi khou ḥodana na u Vhuya ha Murena. Huno Muya Mukhethwa u fhano u khwañhisidza u Vhuya Hawe, u hu disa uri Hu iteye. Nga maanda . . .

Muñwe na muñwe u khou ḥoda u dzhia ndila yawe. Ndi nga ndila ye zwa vha zwi ngayo heneffo. Tshigwada tshinwe na tshinwe tsho vha tshi na muhumbulo watsho.

⁹² Fhedzi heyo a si mbudziso madekwana a ḥamusi. A si zwine nda khou amba nga hazwo. Fhedzi mbudziso ine nda khou ni vhudzisa, ndi, ni humbula uri Ndi mini? Zwi ya ni vhilaedza. Ndi nnyi Uyu ane a khou tsa a tshi gonya na mashango? Hu si muthu. Muthu a nga si ite hezwo zwithu. Ndi nnyi Uyo ane a khou amba na u vhudza vhathu kha vhathetshelesi, sa, "O dzulaho *hafha*, nga *hafha*," na fhethu ho vhambanaho kha miñangano, musi vhasadzi na vhanna vho diswa hafha, vha tshi khou fa? Ndi nnyi Uyo?

⁹³ Uyo musadzi muswa we a dzhena kha ndovhedzo matsheloni ano, we vhege tharu dzo fhiraho, a tshi khou fa nga pfuko, u dzula hanefha kha Tshiṭaraṭa tsha Maple, Vho-Mme. Baity. Huno nda vhudzisa madokotela mararu e a vha a naye. O vha a si na tshikhala na tshithihi tsha u tshila, na vhañka kana vhañku, huno mme anga vha tshi khou lingedza u vha togomela. Mmawe vha ri, "Bill, a nga si tsha vhuya hayani hafhu."

⁹⁴ Huno nda ya he a vha a hone, huno Murena Yesu a amba, "A RALO MA AMBA MURENA, arali a tshi do ya tshivhidzoni huno a fulufhedzisa u lovhedzwa nga Dzina la Murena Yesu, huno a shumela Mudzimu, u do ya hayani, o fholā."

Huno nda mu vhudzisa, "Naa ni do ita izwi, mufumakadzi?"

⁹⁵ Huno a ri, "Zwoṭhe zwine wa amba, ndi do zwi ita." Nga u ṫavhanya vhuñgungu ha mbo di ṫuwa. Nga murahu ha mađuvha

mararu, o vha a hayani, huno madokotela a vha wani na vhuṭala na vhuthihi ha pfuko.

⁹⁶ Ndi nnyi Uyu ane a da nga Dzina la Murena? Ndi nnyi Uyu? Ndi Muya Mukhethwa wa Mudzimu. Naa muhumbolo waṇu khazwo ndi Ufhio? Muhumbolo waṇu ndi ufhio, ni tshi ḥivha mufunzi waṇu? Huno musi vho dzula kha hezwi zwidulo hafha, vhatu u bva nn̄da ha dorobo, vha na zwifakhole, vho dzula na... Hafha hu dzula muthu, huṇwe fhethu hafha, mukomana wa Mennonite, hanefha, u tambula nga tshifakhole. A thi mu ḥivhi kana u mu vhona, a thi divhi tshithu nga hae. Huno nga u ḥavhanya fhedzi, lwa miṇwaha mivhili yo fhiraho, ndi a humbulela, kana miṇwe, ee, miṇwaha mivhili, Muya Mukhethwa wa zwi vhidza, wa ri, "A RALO MA AMBA MURENA." Ha athu vhuya a wa u bva zwezwo. Ndi nnyi Uyo? Ndi nnyi Uyo?

⁹⁷ Hoyu musadzi o vha o dzula hafha, Swondaha yo fhiraho, tshifhinga tsho fhiraho musi ndi fhano, u khou bva huṇwe fhethu ngei Illinois. Duvha li no tevhela... Na tshibvo tshihulu kha muvhili, iyo yo vha i maliginete. Huno maṇwe a madokotela a khwinesa a saintsia Illinois vho vha vha tshi khou mu isa kiniliki, u itwa muaro nga, Musumbuluwo. Huno a vhanyuludza a dzhena. A thi athu vhuya nda mu vhona kana u pfa nga hae, kha vhutshilo hanga hoṭhe. Huno nga khathihi fhedzi, Muya Mukhethwa wa mu tsira, huno Wa mu vhudza uri o vha a nnyi, na hune a bva, huno o vha a tshi khou ya u itwa muaro duvha li no tevhela. Ndi vhangana vhe vha vha hone zwenezwo, u vhona hezwo? [Tshivhidzo tshi ri, "Amen."—Mudz.] Huno na vhona mafhungo a tshi vhuya murahu. Duvha li no tevhela, musi a tshi ya ha dokotela, vho mu isa kiniliki u ya kiniliki, huno vha sa wane vhuṭala hayo.

⁹⁸ Ndi nnyi Uyu? Oo, Mudzimu ivha na khathutshelo! Ndi nnyi Uyu ane a khou ita hezwi? Naa ni nga vhuya na lingedza u amba uri ho vha hu mufunzi waṇu? Na luthihi. Naa ni nga vhuya na amba uri muthu o vha a na mushumo nazwo? Na luthihi. Ndi Muya Mukhethwa, Muya we wa vha u kha Murena Yesu. Huno U khou Vhuya u Dibadekanya na Tshivhidzo Tshawe, zwi tsini nga maanda lune Ú khou phaḍaladza Tshawe tshihulu Tshedza tshikhethwa, u lamulela, na u disa kha vhuledzani, Tshivhidzo tsha Mudzimu a tshilaho, u itela U Takuelwa Ṭaḍulu hu re tsini. Amen!

⁹⁹ Ndi nnyi Uyu? Ndi nga si fhindule mbudziso yaṇu. Ndi nga si ni fhindulele. Fhedzi ndi nga ḥifhindulela. Huno kha heyi ḥafula khethwa, madekwana a ḥamusi, kha ndevhe dza hezwi, yone khamphani, na yone—yone thengululo ya Malofha a Murena Yesu washu, ndi amba hezwi u bva vhudzivhani ha mbilu yanga. Hu si nga uri ndi muṇwe waṇu, hu si nga uri ndi muṇwe muthu o fhambanaho, fhedzi vhaṇwe vha vha lamulelwā vhe vha ḥanzwiwa nga Malofha. Ndi a tenda uri Tshedza tshithihi tshire tsha nembelela kha hetshi tshivhidzo, madekwana a ḥamusi, uyo

muthihi U sumbedza, nga mvumbo Yawe, uri Ndi Yesu Kristo, nga tshivhumbeo tsha Muya Mukhethwa.

¹⁰⁰ Nnyi na nnyi ane a divha Mañwalo, u ya zwi divha uri Yesu o ri, “Ndi bva ha Mudzimu, nahone ndi ya ha Mudzimu.” Phanda ha musi A tshi itwa ñama, musi a na Mushe sogani, O vha a Khavhu ya Mulilo. Huno musi Mushe a tshi tama u Mu vhona, A mu sumbedza muñana Wawe khae. Huno Mushe a ri, “U vhonala sa Muthu.” Musi A fhano kha lifhasi, O vha a Muthu. O ita zwithu zwithihi zwine A khou ita, ñamusi, nga kha vhathu vhe A vha lamulela. Huno Khoyu u ya ða nahone tshifanyiso Tshawe tsha dzhiiwa. Naa ndi mini?

¹⁰¹ Nga murahu ha lufu Lwawe, mbulungo na muuwo, Paulo o vha a ndilani yawe ya u ya Damaseka, liñwe ðuvha, huno Tshedza tshihulu tsha mu rwela phasi. Avho vhanna u mona nae vha si vhone Tshedza. Fhedzi Tsha rwela Paulo phasi, u swika Tshi tshi mu kombodza. O vha a na thaidzo na maþo awe vhutshilo hawe hothe. Huno a amba tshinwe tshifhinga, “Nga nnda ha musi ndi tshi hudzwa nga nthia ha vhudalo ha nzumbululo, zwo fhiwa kha nne,” mupfa kha ñama yawe, muðinda wa Sathane, u mu tambudza. Ngauri ho vha hu vhudalo ha nzumbululo.

¹⁰² Huno musi Paulo a tshi rwelwa phasi, ndilani yawe ya u ya u tovhola vhathu vhe vha vha tshi khou ita phosho; tshigwada tsho bebiwaho hafhu, vhathu vhe vha vhidzwa vhasasalandzi. Paulo o vha a ndilani yawe u tovhola havho, na mambiri tshikwamani tshawe, u vha fara na u vha ðisa Yerusalema. Huno masiari tshivhangalala, ha tsa Tshedza phasi, tshe tsha mu wisa nga milenzhe, a wela phasi, huno a wela kha buse la lifhasi. Henefho ha ða Ipfu u bva kha Tshedza, tshi tshi ri, “Saulo, Saulo, ndi ngani u tshi Ntovhola?”

¹⁰³ Huno Saulo a rembulwa a ri, kha tshiimo tshawe tsha u pofula, a lavhelesa nthia. Huno o vha a tshi kona u vhona itsho tshihulwane, Tshedza tsha vhugala. Huno a ri, “Murena, Ndi iwe Nnyi?”

¹⁰⁴ A ri, “Ndi ñne Yesu. Ndi bva ha Mudzimu; Nda ya ha Mudzimu. Ndi bva ha Mudzimu; ndi humela ha Mudzimu.” A ri, “Zwi do u kondela u kanda mupfa.”

¹⁰⁵ Nzumbululo nthihi kha uyo muñavha mukhethwa, tshifhinga tshithihi afho fhethu, munna a nga si tsha do vha a vha a fanaho. Munna, phanda ha musi a tshi ðivhidza Mukriste, phanda ha musi a tshi ðitalusa, u tea u thoma a vha na itsho tshenzhemo tsha sogani, hune a ðangana na Mudzimu, vho livhana tshifhañuwo.

¹⁰⁶ Ngauri, ñamusi, ni nga vha na phindulo iñwe na iñwe. Ni nga vhona Murena a tshi ita kokotolo zwe A ri u do ralo, huno vhorathiolodzhi vho ðalifhaho vha Do zwi ðalutshedzela kule. Vha do ri, “Izwo zwo vha zwi zwa liñwe ðuvha. Zwo vha zwi zwa

hezwi. Kana, Ndi zwa tshiñwe tshikhathi. Kana, Zwo khakhea.” Vhunga vho amba nga ha Yesu, “Ndi Belesebulu, ene diabolo. Ndi mungome.” Kha hezwo zwithu zweþhe, vha na phindulo.

¹⁰⁷ Fhedzi musi muthu a tshi vhuya a kwamana na Kristo, huno a Mu vhona vhunga Paulo o ralo, kana u Mu tshenzhela, a hu na vhorathiolodzhi vho edanaho shangoni vhane vha nga vhuya vha kona u þalutshedza itsho tshenzhemo u bva kha uyo muthu.

¹⁰⁸ Ndi ngazwo, ñamusi, vha si na tshenzhemo. Ndi ngazwo vha nga si ri . . . vhoþhe vha khou ri, “Ndi nnyi Uyu? Ndi mini Izwi? Naa Zwi bva gai?” A vha na phindulo. Mulandu? Ngauri, zweþhe zwine vha ðivha ndi theolodzhi ye tshiñwe tshivhidzo tsha ita. Hu si “u ðivha theolodzhi” ndi Vhutshilo. Hu si “u ðivha Bivhili” ndi Vhutshilo.

¹⁰⁹ Fhedzi “u Mu ðivha” ndi Vhutshilo. “U Mu ðivha” sa Mutshidzi waþu, sa Åne O ni dadza nga Vhuhone Hawe. No vha ni hone musi zwi tshi bvelela. A hu na muthu ane a nga Zwi dzhia kha inwi. A hu na muthu ane a nga Zwi þalutshedzela kule kha inwi. Musi itsho tshenzhemo tshi tshi itea kha inwi, ni a ðivha uri Ndi Nnyi. Kha nñe, Ndi Yesu Kristo a sa shanduki mulovha, ñamusi, na lini na lini.

¹¹⁰ Ndi nnyi uyu ane a khou ita aya madembe? Ndi nnyi ane a khou ita iyi mishumo mihulu? Naa ndi mufunzi? Naa ndi Oral Roberts? Naa ndi Billy Graham? Naa ndi Jack Schuler? William Branham? Onoyo ane a nga vha, a vha na mushumo nazwo. Ndi zwi shumiswa.

¹¹¹ Ndi Muya Mukhethwa u tshi ða na Mafhungo-madifha, nga zwiga na vhuþolo na madembe, u lugisela vhatu. Mufhe wo tshadzhiwa nga ndavhelelo, nga vhatendi vha tshi khou Mu lavhelela u ri a ðe.

¹¹² Huno vhañwe vha khou ri, “Ndi ngani idzi mvuseledzo? Ndi ngani ri tshi vha nadzo? Kha ri tou dzula kha tshivhidzo.” Mulandu, zwo no ambiwa kha tshivhidzo hafha, uri, musi ri tshi thoma u fhaþa tshivhidzo tshiswa, u ri, “A ri þodi madembe. A ri tsha þoda hezwi zwithu na khathihi. Ni a vha þoda, vha tshi ya nnða midavhini hune zwa itea. A ri tsha a þoda hafha.” Musi Thaberenakele ya Branham i tshi swika kha afþo fhethu, yo nupela.

¹¹³ Tshivhidzo tsho simulwa kha mitheo na Maanda na Mafhungo-madifha a Yesu Kristo. Huno tenda heyi thaberenakele i tshe yo ima, ngavhe hoyu Muya Mukhethwa wa vhugala u tshi wana u swikelela mimuya, ya u tshidza, na u ðadzwa nga Muya Mukhethwa, na u fhodza vhalwadze. Kha nñe, Ndi Yesu Kristo a sa shanduki mulovha, ñamusi, na lini na lini.

Kha ri rabele.

¹¹⁴ Arali ni sa ḋivhi uri Ndi Nnyi, a ni ḋivhi uri ndi malugana na mini, huno ni ḍo takalela u divha, naa ni nga tou imisa tshanda tshaṇu? Huno na ri, nga u imisa tshanda tshanga, “Nthabelele, Mukomana Branham, uri ndi Mu ḋivhe.” Huno Murena a ni fhaṭutshedze. Huno na u mona, ndi vhona zwanda zwaṇu.

¹¹⁵ Zwino, Khotsi wa Taḍulu, ri disa uno Mulaedza, na mitshelo ya vhatthu vha tshi imisa zwanda zwavho, uri vha nga takalela u divha uri Ndi nnyi Uyu. Vha nga ḍoda u ṭaluswa na hoyu Yesu. Uri, u Vhuya Hawe, ha muwo, hu tsini nga maanda, u swika vhalwadze vha tshi thoma u fhodzwa. Huno nga murāha ha musi izwo zwe no itea, zwenezwo tshiporofito tsha da Tshihvidzoni, huno dzimpho na mađembe, huno u tsa kha tshiga tsha u fhedza. Tshi tevhelaho tshi ḍo da, U Takulelwā Taḍulu, Tshihvidzo tshi ḍo ṭuwiswa. Huno riñe, Murena, vhe ra v̄hila u U ḋivha kha Maanda a muwo Yawe, ro lindela, na u ṭulutshelwa, na u lila, na u humbelā, “Vhuya, Murena Yesu!”

¹¹⁶ Takulela Taḍulu Tshihvidzo Tshau huno U tshi ṭuwise, nga u ṭavhanya, Murena. Ngauri, hu si kale, vhatthu vha khou ya u thuthubisa lifhasi line Wo li sika uri vha tshire khalo, ngauri a vho ngo U ḫetshēlesa. A vho ngo guda mulalo, fhedzi nndwa. A vho ngo guda u luga, fhedzi vho guda vhuravhele. Uri hani vha tshi nga vha na na ndala ya maanda vhothe! Murena, itsho tshipiđa tshiṭuku mbiluni dzavho tshine tsha vha ita uri vha vhe na ḫora la maanda, vha khou lingedza u tshi fusha laborothari huňwe fhethu, u thuthubisa muthu ngavho.

¹¹⁷ Mudzimu, arali vha tshi nga tou limuwa fhedzi uri maanda ane vha khou a ḍoda ndi Maanda a muwo ya Murwa wa Mudzimu, Maanda a Muya Mukhethwa u shandukisa matshilo avho; hu si u thuthubisa dzitshaka, fhedzi u shandukisa matshilo avho huno wa vha ita vhađinda Vhau.

¹¹⁸ Vhatthu vhanzhi, vha na zwipengo zwi sa langei, vha ri ṭalusa sa tshigwada tsha “vha sa ḋivhi tshithu,” huno—huno sa “vhapengo,” sa musi vho ralo nga mađuvha a u ranga. Fhedzi vhunga vha tshi vhuya, vho takala, vha tshi livhuwa Iwe uri vha nga kona u hwala u nyadzwa ha Dzina Lau. Ndi tshone tshippi tsha vhana Vhau, madekwana a ḫamusī, Murena, huňwe na huňwe. Ro takala nga maanda.

¹¹⁹ Vhaňwe nga ḫuvha Lau vho lingedza u U ṭalusa. Vha ri, “Ndi khonani ya u la munna wa ḫaka, Yohane, we a bva phangani a si na na tshiambaro, mukumba fhedzi muṭuku wa kale wo pombiwa u mona nae. Mukalaha ane a sokou tamba nga maipfi, vhukovhela na vhubvaduvha, huno a ri, ‘Mbado yo vheiwā tsindeni la muri.’” A ri, “Ndi Ene mu—mu tevheli wawe. Ndi munna wa ḫaka. U khou penga. O xelewā nga muhumbulo Wawe.” Vhushumeli ha n̄ha ha mupo he ha vha hu na Iwe, O Murena, pofudza mađo a avho.

¹²⁰ Huno zwo ralo ḥamusī hafhu: Hoyu Muya Mukhethwa muhulu u tshi khou rāṅga phāṇḍa u Vhuya ha Murena, vhunga Yohane o ralo nga ḫuvha lawe, a tshi pofudza vhathu, kha avho vha sa ṭodi u vhona. Fhedzi kha avho vhane vha funa u vhona, Iwe wo vha nanga. “Huno vhothe vhe Khotsi a Mp̄ha vha ḫo da kha Nne,” Wo ralo, “huno a ḫu na na muthihi wawho ane a do xela. Ḫuno ndi do mu vusa nga ḫuvha ḫa u fhedza.” Ri a U livhuwa nga hezwi.

¹²¹ Huno avho vho imisaho zwanda zwavho, madekwana a ḥamusī, ri a rabela, O Murena Mudzimu, uri U ḫo di ḫivhadza Iwe mune khavho, nga kha tshenzhemo, nga Maāndā a mvuwo. Zwi tendele, Murena.

¹²² Huno vhañwe vha nga vha vha fhano, vhe vha si imise zwanda zwavho, fhedzi naho zwo ralo, ngomu mbiluni dzavho, vha a zwi ḫivha uri vha a zwi ṭoda. Ndi a rabela uri U ḫo vha fhaṭutshedza, na u vha fha lutamo lwa mbilu dzavho.

¹²³ Musi ri tshi ṭutshela tshifhaṭo, madekwana a ḥamusī, ngavhe ri tshi ṭuwa sa vhathu vha khwine. Ngavhe ri tshi ṭuwa na ndivho yo fhambanaho na ye ra vha nayo, ri tshi dzhena, arali zwo vha zwo fhambana na Lufuno Lwau lukhethwa. Ngavhe ri tshi ṭuwa na u ḫiimisela u farelela kha mañanga a aletari, u swika mimuya yashū i tshi fusheya uri ro vha na tshenzhemo na Iwe, nahone ri a ḫivha ane ra khou amba nga Hae, ngauri ro ṭangana Nae na u Mu ḫivha, nahone ri na vhułedzani Nae. Tendela hezwi zwithu, Khotsi. Fhodza vhalwadze na vhotupheaho.

¹²⁴ Fhaṭutshedza a funeaho na mufunzi wavhudī. Mudzimu, ri rabela uri U ḫo vha nae na khaladzi awe a funeaho, vhunga vha tshi imba Mafhungo-mađifha, huno vha A funza kha dziradio dzavho.

¹²⁵ Fhaṭutshedza vhatsinda vha re khoroni dzashu. Murena, ngavhe vha tshi bvela nn̄da, madekwana a ḥamusī, vha na u vusuludzea mbiluni yavho, na ndivho ya uri vha, u bva ino awara u ya phāṇḍa, arali vha sa u ḫivhi nahone vha sa athu U shumela, murahu, ngavhe vha tshi U shumela. Vha tshi ḫivha hezwi, uri, “Zwiñwe zwithu zwi ḫo fhela, fhedzi Ip̄fi ḫa Murena li ḫo dzula li hone.” Zwi tendele, Khotsi.

¹²⁶ Ri hangwele, zwivhi zwashu zwoṭhe. Huno ngavhe ri tshi ṭangana kha ilā khulwane...[A hu na tshithu kha theiphi—Mudz.]

Ngauri O funa nne u thoma
Huno o renga tshidzo yanga
Murini wa Khalivari.

¹²⁷ Zwino, nga murahu ha Mulaedza, kha ri tou kotamisa zwifhaṭuwo zwashu huno ri Mu loshe, vhunga ri tshi Mu imbela.

Ndi a Mu funa, (nga mbilu yañu yoþhe) Ndi a
 Mu funa
 Ngauri O funa nne u thoma
 Huno o renga tshidzo yanga
 Murini wa Khalivari.

¹²⁸ Ndi vhangana vha no Mu funa zwa vhukuma? Imisani tshanda tshanu, ambanu hezwi nga thanzi, “Ndi a Mu funa.” Oo, Ha mangadzi naa? [Tshivhidzo tshi ri, “Amene.”—Mudz.] Ni a diyha, ndi tou takalela u dzula nga u rali nda tou ñwa, nga inwe ndila, Vhuhone Hawe. Ipfì Lawe, lo bva, Lo wela mbiluni. Li ya ri lulamisa. Li ri disa kha u langulwa nga Muya Wawe. Zwi tou vha zwavhuði hani u Mu losha zwenezwo! Zwino, vhunga ni tshi bva kha tshivhidzo, madekwana a ñamusi, tshimbilani, ni tshi Mu losha.

¹²⁹ Huno ni elewe, ino vhege, hu na mutangano wa thabelo hafha madekwana a Lavhuraru. Ni songo hangwa Mukomana Neville khasho yawe nga Swondaha, kana nga Mugivhela, nga awara ya ðahe, kha WLRP. Ndi tou takalela u vha pfa, a ni ralo? Vhone vhañu, kana vhararu, vha pfala nga ndila yavhuði. Mufumakadzi na nne, na vhana, rothe ri wana radio ntswa nnða na—na dzula tsini ñayo, u thetshellesa Mukomana Neville na khasho yawe, na maipfi awe avhuði, nga ndila ine a hulisa Mudzimu ane a mu losha na u mu tenda. Ni songo amba hezwi kha . . .

¹³⁰ Vhoiñwi vhatsinda hafha, arali ni si na tshivhidzo tsha hayani, iðani ni dzhoiné na rine. Ndi a ni vhudza, ndi sa khou amba hezwo ngauri o dzula hafha. Hai, muñe wanga. Ndo amba hezwi, zwifhinga zwinzhi. Ndi a funa Mukomana Neville. Hezwi, u thoma, ndi rathiølodzhi. Tshithu tsha u thoma, ndi ñwana wa Mudzimu. Tshithu tshi tevhelaho, ndi a fanaho ñuvha na ñuvha. Ndo mu diyha lwa miñwaha. Ha athu shanduka, na luthihi. U kha di vha Orman Neville, mudinda wa Murena Yesu. Huno ndi humbula uri u na . . .

¹³¹ Vhuñwe vhusiku, ndo vhidza, u mu vhudzisa arali a songo, kha mbekanyamushumo yawe, a tshi nga ita tshikhala uri ri de ri rabelele vhalwadze. Ho vha hu na vhariwe vha no khou dzhena, ho vha hu matsheloni ano, ni a diyha. Huno mufumakadzi wawe a fhindula luþingo, huno ndo vha ndi tshi khou amba na mufumakadzi wanga, murahu henefho, nga hazwo.

¹³² Huno uri ri livhuwa hani Mudzimu nga mufumakadzi wawe na muña wawe. Izwo ndi zwavhuði. Musi ni tshi vhona mushumeli na mufumakadzi wawe vha tshi andana nga u ralo, vhulenda na u ðiþukufhadza, izwo zwi tou ita uri tshivhidzo tshi tshimbile khwine. Izwo zwi tou vha zwavhuði vhunga maðuvha a tshi ya.

¹³³ Ni a Mu funa nga mbilu dzanu dzoþhe? [Tshivhidzo tshi ri, “Amen.”—Mudz.] Zwo luga. Ri na luimbo lwa u balanganya lune

ra lu imba, *Dzhiani Dzina La Yesu Na Inwi*. Huno ni ri fhe khodo ḥukhu, khaladzi, aralı ni nayo heneffo kha bugu. Huno ri khou ya u imba luimbo lwashu lwa u balanganya. Huno musi ri tshi imba ndimana ya u thoma, ri khou ḥoda u rembuluwa, ra khađana nga tshashu. Zwo luga. Ri fheni khodo.

... lone Dzina la Yesu na inwi,
Nwana wa matungu na khombo;
Li do ni fha dakalo na khuthadzo,
Li dzhieni huňwe na huňwe hune na ya.

Dzina ḥavhudi, Oo li ḫifha hani!
Fulufhelo la ḫifhasi na dakalo la Tađulu;

Mudzimu a ni fhaṭutshedze, mukomana.

Dzina ḥavhudi, Oo li ḫifha hani!
Fulufhelo la ḫifhasi na dakalo la Tađulu.

Kha ri dzhiye heyi ndimana zwino.

Kha Dzina la Yesu ro kotama,
Ri tshi gwadama milenzheni Yawe,
Khosi ya dzikhosi Tađulu ri ḥo I ambadza
khare,
Musi lwendo lwashu lwo swika magumoni.

Naa izwo a zwi nga vhi zwavhuđi?

Lavhudi, Dzina ḥavhudi, Oo li ḫifha hani!
Fulufhelo la ḫifhasi na dakalo la Tađulu;
Dzina ḥavhudi, (Dzina ḥavhudi) Oo li ḫifha
hani!

Fulufhelo la ḫifhasi na dakalo la ...

¹³⁴ Ndi vhangana vha no elelwa luimbo lwashu luṭuku lwe ra vha ri tshi anzela u lu imba, *Ni Songo Hangwa Thabelo Ya Muća?* Ni a zwi elelwa? A thi... Thelma, kana ni a lu divha ulwo, kana khodo, kana hai? Kha ri lu lingedze. Naa a ni lu humbuli? Kha ri... Khańwe ndi nga lu lingedza luthihi na inwi.

Ni songo hangwa thabelo ya muća,
Yesu u ḥodou ḥangana na inwi heneffo;
U ḥo dzhia ndondolo yanu ińwe na ińwe,
Oo, ni songo hangwa thabelo ya muća.

¹³⁵ Ndi vhangana vha na thabelo ya muća? Ndi zwavhuđi. Kha ri zwi lingedze hafhu. Ndi ḥo ḫisa hezwo murahu hafha. Ndi a funa hezwo. Rothe zwino.

Ni songo—ni songo hangwa thabelo ya muća,
Yesu u ḥodou ḥangana na inwi heneffo;
U ḥo dzhia ndondolo yanu ińwe na ińwe,
Oo, ni songo hangwa thabelo ya muća.

¹³⁶ O Murena, zwo ńwaliwa kha Mařivalo, uri vho dzhia kha muvhili wa Paulo zwisagadugu kana apuroni, huno mimuya i songo kunaho ya bva kha vhatu, na malwadze a fhola. Ri a

rabela, O Murena, uri sa zwenezwo, zwi ḋo sumbedzwa kha hezwi, madekwana a ḥamusi, vhunga ndi tshi dzi rumela kha vha ṭodaho na u lwala. Ndā huṁwe fhethu mashangoni, hu na muṁwe muthu o lindelaho na u lavhelela hezwi zwi tshi itea. Ndi a rabela, Khotsi, uri U ḋo zwi tendela nga Dzina ḥa Yesu, Murwa Wau. Amen.

¹³⁷ Zwino ndi khou ya u vhudzisa, vhunga ri tshi kotamisa ḥoho dzashu, arali washu wavhuḍi Mukomana Smith nga hafho, u bva kha Tshiyhidzo tsha Mudzimu, we ra mu wana, u fana na Mukomana Neville hafha, u vha wa ngoho, a fulufhedzeaho, muḍinda wa Mudzimu, Ndi khou ya u mu humbela uri a ni humbetshele phaṭhutshedzo kha inwi, u isa phanda nga ino vhege ine ya khou ḋa. Mudzimu a ni fhaṭutshedze, u swika ri tshi ṭanganana hafhu.

¹³⁸ Mukomana Smith. [Mukomana Smith u ya rabela—Mudz.] Ee, Mrena. Ee. Ee. Ee. Amen.

¹³⁹ Khadananī nga tshaṇu. No ṭanganedzwa hafhu kha thaberenakele. Mudzimu a ni fhaṭutshedze.



Ndi Nnyi Uyu? TSV59-0510E
(Who Is This?)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga ḫuvha ḥa Vho-Mme, madekwana a Swondaha, Shundunthule 10, 1959, Thaberenakeleni ya Branham ngei Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḫhalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ñwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org